

Husi dronovima napali aerodrom u Jizanu u Saudijskoj Arabiji

Jemenski pokret Husi, povezan s Iranom, izveo je više napada dronovima na aerodrom u Jizanu u Saudijskoj Arabiji, objavila je danas na Twiteru televizija te grupe, Al-Masirah.

Kako se navodi, napadi su bili usmjereni na saudijske bunkere za dronove i stanice na aerodromu, prenosi Reuters.

Saudijska Arabija nije potvrdila da je došlo do napada.

Napadi Husa na aerodrome u Saudijskoj Arabiji u posljednje vrijeme postaju sve češći.

U drugoj polovini maja, Husi su izveli napad bespilotnom letjelicom, naoružanom bombama, na vojnu bazu Najran u Saudijskoj Arabiji.

Glasnogovornik koalicijskih snaga, koje predvodi Saudijska Arabija, Turki al-Maliki izjavio je da su Husi pogodili važan položaj nedaleko od grada Najrana, na jugu zemlje.

A krajem mjeseca, dronovima su napali vojne hangare na aerodromu Jizan u Saudijskoj Arabiji, u blizini granice dvije države.

Četverogodišnji rat u Jemenu pokrenuo je, kako navode iz UN-a, najgoru humanitarnu krizu na svijetu. U ovoj državi 24 miliona ljudi, odnosno dvije trećine stanovnika, trebaju humanitarnu pomoć, prenosi Al Jazeera.

60

SHARES

[_ Share on Facebook](#)

[_ Tweet](#)

[_ Follow us](#)

[_ Share](#)

[_ Share](#)

[_ Share](#)

[_ Share](#)

[_ Share](#)

Date: 09-06-2019